



Belavoka li ser Kursa Entegrasyonê/Tevlêbûnê

ji bo

- Penaxwazên ku li gorî madeya 55, beşa 1ê ya Qanûna Penaberiye (AsylG) xwediye destûra rûniştinê ne,
- Biyaniyên ku li gorî madeya 60a beşa 2, hevoka 3 ya Qanûna Niştecihbûnê (AufenthG) Duldung'a wan heye
- Biyaniyên ku li gorî madeya 60a beşa 2, hevoka 3 ya Qanûna Niştecihbûnê têkildarî Duldung'ê ji bo perwerdehiyê li gorî madeya 60c, beşa 1ê ya Qanûna Niştecihbûnê yan Duldung'a ji bo karkirinê li gorî madeya 60d, beşa 1ê ya Qanûna Niştecihbûnê Duldung'a wan heye.
- Biyaniyên ku li gorî madeya 24 ya Qanûna Niştecihbûnê yan jî madeya 25, beşa 5ê ya Qanûna Niştecihbûnê xwediye destûra rûniştinê ne.

Birêz,

Ji bo ku hûn beşdarî kursa entegrasyonê bibin, dikarin serî li Nivîsgeha Koçberî û Penaberan a Federal (BAMF) bidin. Ji bo vê yekê, divê hûn yek ji daxwazên jêrîn bikin:

- Tu penaxwaz î û xwediye destûra rûniştinê yî,

yan

- Li gorî madeya 60a, beşa 2, hevoka 3 ya Qanûna Niştecihbûnê yan jî destûra rûniştinê ya li gorî madeya 24 a Qanûna Niştecihbûnê yan jî madeya 25, beşa 5ê ya Qanûna Niştecihbûnê Duldung'a te heye.

Zarok, nûciwan û ciwanên ku hûn di temenê dibistana neçarî de ne nikarin beşdarî kursa entegrasyonê bibin.

Kursa entegrasyonê çî ye?

Kursa entegrasyonê ya giştî ji du beşan pêk tê, kursa ziman û ya nasandinê.

Di kursa zimên de hûn ê wan peyvan fêr bibin ku di jiyana rojane de pêdiviya we pê heye pê biaxivin û binivîsin. Têkiliyên bi rayedaran re, sohbetên bi cîranan re û li ser kar, nivîsîna nameyan û tijîkirina forman tê de cih digirin.

Kursa nasandinê li ser jiyana li Almanyayê zanyariyan dide we. Li vir hûn ê li ser pergala hiqûqî, çand û dîroka nêz a welêt fêr bibin.

Kursa entegrasyonê ya giştî ji kursa zimên a bi 600 beşên hînkirinê (yek beşa hînkirinê 45 xulekan dikişîne) û kursa nasandinê ya bi 100 beşên hînkirinê pêk tê. Kursa zimên ji şeş beşan pêk tê û her yek ji wan 100 beşan pêk tê. Ji 300 beşên perwerdeyê yê pêşîn re kursa bingehîn, û ji 300 beşên hînkirinê re jî kursa zimanê pêşkeftî tê gotin.

Kursên entegrasyonê yê taybet jî hene, wek mînak ji bo jin, dayîkbav, ciwanan û ji bo kesên ku baş nikarin bixwînin û binivîsin. Van kursan 1000 beşên hînkirinê pêşkêş dikin.

Eger hûn bi taybetî zû fêr bibin, hûn dikarin beşdarî kurseke dûhev bibin.

Dezgeha ku kursên entegrasyonê bi rê ve dibe, ku jê re "pêkhînerê kursê" tê gotin, berî ku hûn dest bi kursê bikin, dê bi we re ezmûna cihgirtinê pêk bîne. Ev ê diyar bike ka kîjan kurs û beşa kursê ji bo ku hûn dest pê bikin çêtirîn e. Ezmûna cihgirtinê belaş e.

Beşdarbûna li ezmûna dawîn

Ezmûna dawî ji ezmûneke zimên û ezmûneke di dawiya kursa nasandinê de, bi navê "Jiyana li Almanyayê" (Leben in Deutschland) pêk tê. Eger hûn di ezmûna zimên de têra xwe şarezabûna ser zimanê Almanî (asta zimanî B1) nîşan bidin û ezmûna "Jiyana li Almanyayê" derbas bikin, we kursa entegrasyonê bi serketî qedandiye. Dûvre hûn ê "Belgeya Kursa entegrasyonê" wergirin.

Eger hûn di ezmûnekê de yan di her duyan de bi ser nekevin, hûn ê bawernameya encama xwe wergirin.

Beşdarbûna li ezmûna dawîn belaş e.

Qebûlkirina kursa entegrasyonê ji hêla Nivîsgeha Federal ve û qeydkirina ligel pêkhînerê kursê

Ji kerema xwe serîlêdana pejirandinê bi tevahî û zelalî tijî bikin. Eger navnîşana ku we daye ne li ser navê we be, ji kerema xwe navê xwedanê wê di beşa "Eger dibe, mala (xaniyê)" de binivîsin, ji ber ku wekî din dê nikaribe şandeyê bigihîne we. Belgeyên ku di serîlêdanê de hatine diyarkirin pêvek bikin û dûvre wê bişînin navnîşana ku di wê de hatiye destnîşankirin.

Bi îmzekirina serîlêdana pejirandinê, hûn qebûl dikin ku Nivîsgeha Koçberî û Penaberan a Federal dikare daneyên berhevkirî ji bo meşandina kursa entegrasyonê berhev bike, lêhûrbûnê bike û bi kar bîne.

Îmzeyê we, eger pêwîst be, rê dide hevrûkirina bi daneyên ku di Tomara Navendî ya Biyaniyan de hene jî. Kontrolêk tê kirin da ku were destnîşankirin ka destûra rûniştinê li gorî madeya 55, beşa 1 a Qanûna Penaberiyê, Duldung li gorî madeya 60a, beşa 2, hevoka 3 ya Qanûna Niştecihbûnê yan destûra rûniştinê li gorî madeya 24 a Qanûna Niştecihbûnê yan jî madeya 25, beşa 5 a Qanûna Niştecihbûnê heye.

Eger hûn bo kursa entegrasyonê werin pejiranadin, hûn ê ji Nivîsgeha Federal erêkirinê wergirin ku dibêje mafê we heye ku hûn beşdarî kursa entegrasyonê bibin. Jê re "Belgeya Pejiranbariyê"

(Berechtigungsschein) tê gotin. Hûn dikarin li ser înternetê li ser vê navnîşanê pêkhînerên kurs û cihên kursê yê li herêma xwe û herweha şaxa berpirsiyar a Nivîsgeha Federal a li herêma xwe bibînin: <https://bamf-navi.bamf.de/de/>

Ji kerema xwe bizanin: Eger hûn berê di dema serlêdana penaberiye de yan jî di dema hevpeyivîna kesane ya prosedûra penaberiye de di kursa entegrasyonê hatine pejirandin, wê demê êdî pêdivî nake hûn serlêdana pejirandina kursa entegrasyonê bikin.

Pejirandina we ya kursê salekê derbasdar e. Bawernameya pejiranbariyê roja ku heya wê pejirandina we derbasdar e diyar dike. Ji kerema xwe ji bo kursa entegrasyonê li nivîsgeha ku ya navê we ye qeyd bikin û bawernameya xwe ya pejiranbariyê li wir pêşkêş bikin. Eger tu nivîsgeheke taybetî ji bo we nehatibe binavkirin, di zûtirîn dem de bi pêkhînerêke kursa ku hûn hilbijêrin re qeyd bikin.

Ji bo misogerkirina tevlebûna kursê ya di wextê xwe de, Nivîsgeha Federal dikare we bişîne cem pêkhînerêke kursê ya taybetî.

Dema ku kursekê tê payîn ku dest pê bike divê pêkhînerê kursê we agahdar bike. Divê kurs piştî qeydkirina we di nava şeş hefteyan de dest pê bike. Eger di vê demê de kurs pêk neyê, divê pêkhînerê kursê we agahdar bike.

Ji kerema xwe bizanin ku mafê we yê beşdarbûnê dê biqede eger hûn ji ber sedemên ku hûn ji salekê kêmtir piştî qeydkirinê berpirsiyar in dest bi kursa entegrasyonê nekin an jî eger hûn beşdarbûna kursê ji salekê dirêjtir qut bikin.

Tevlebûna rast di kursê de

Ji bo ku hûn bigihîjin armanca kursa entegrasyonê, divê birêkûpêk beşdarî kursê bibin. Ev tê wê wateyê ku hûn heta dawiya kursê birêkûpêk beşdarî dersan dibin û ezmûna dawîn didin. Eger hûn bixwazin, pêkhînerê kursa we dê bi nivîskî beşdarbûna rast piştrast bike.

Lênêrîna zarokan

Eger ji bo ku hûn beşdarî kursa entegrasyonê bibin hewceyê lênihêrîna zarokan bin, ji kerema xwe bi pêkhînerê kursê re têkilî dayînin. Ew ê we li ser bijardeyên lênihêrîna zarokan ên heyî agahdar bikin.

Guhertina pêkhînerê kursê

Guhertina pêkhînerê kursê bi gelemperî tenê piştî qedandina beşeke kursê destûrdar e. Guhertin tenê di rewşên taybetî de gengaz e, nemaze di bûyera guhertina xênî de, guhertina di navbera kursên nîv-wext û temam-wext de, ji bo ku bikaribe lênihêrîna zarokan bike yan jî piştî qedandina beşa kursê dest bi perwerdehiyê yan karekî bi pere bike.

Eger hûn ji ber sedemeke din veguhezin, hûn ê civînên pola ku êdî tê de beşdar nabin bo beşa kursê ji dest bidin.

Di bûyera guherîneke destûrdar de, pêkhînerê kursê divê bawernameya pejiranbariyê vegehrîne û

Belavoka li ser kursa entegrasyonê

Nivîsgeha Koçberî û Penaberan a Federal
(Bundesamt für Migration und Flüchtlinge)

bide we.

Lêçûnên kursa entegrasyonê

Beşdarbûna kursê ji bo we belaş e.

Lêçûnên seferê

Eger hûn serî li Nivîsgeha Federal bidin, hûn dikarin serî li Nivîsgeha Federal bidin da ku ji bo lêçûnên rêwîtiya xwe ya ji bo kursa entegrasyonê alîkariyê bide. Ji bo vê şert û merc ew e ku cihê kursê herî kêr 3 km dûrî mala we be. Alîkarî bi awayekî yekcar tê dayîn. Ji kerema xwe serîlêdanê bişînin şaxê Nivîsgeha Federal a ku ji herêma we ya niştecibûnê berpirsiyar e. Hûn dikarin wan li ser înternetê bibînin li <https://bamf-navi.bamf.de/de>.

Dubarekirina herî zêde 300 dersên kursa zimên

Di hin şert û mercan de, hûn dikarin 300 yekîneyên kursa zimên carekê dubare bikin. Ji bo ku hûn vê yekê bikin, divê hûn bi tevahî beşdarî kursa zimên bibin, dûvre ezmûneke zimên derbas bikin û nîşan bidin ku hûn têra xwe zimanê Almanî nizanin (asta zimanî B1).

Ji bo beşdarbûna demjimêrên dubarekirinê serîlêdanek pêdivî ye. Ji kerema xwe daxwaznameyê bişînin şaxê Nivîsgeh Federal a ku ji herêma we ya niştecibûnê berpirsiyar e.

Eger tu kursa xwendin û nivîsînê werdigirî, ne hewce ye ku berê ezmûna zimên bidî ku 300 yekîneyan dubare bikî.

Êdî divê çî bizanin

Herwiha hûn dikarin hemû formên serîlêdanê yê ku di vê belavokê de hatine destnîşankirin ji pêkhînerê kursê, ji Tomara Navendî ya Biyaniyan an jî ji şaxa Nivîsgeha Federal a ku ji herêma we ya niştecibûnê berpirsiyar e, wergirin. Herwiha hûn dikarin formên li ser malperê bibînin li ser: <https://www.bamf.de/formulare>.

Herwiha hûn dikarin serîlêdanên xwe bi elektronîkî bi rêya Portala Federal bişînin Nivîsgeha Federal.

Serlêdanên jêrîn di forma elektronîkî de hene:

- Serlêdana ji bo pejiwandina kursa entegrasyonê
- Serlêdana pejiwandinê ji bo dubarekirina herî zêde 300 dersên kursa zimên
- Serlêdana alîkariya lêçûnên rêwîtiyê digel dayîna mûçeyeke rojane ya zêdetir

Ev girêdana înternetê dê we bigihîne serîlêdanên online ên li ser Portala Federal:

[Navnîşana Internetî bo serîlêdanên online](#)

Belavoka li ser kursa entegrasyonê

Nivîsgeha Koçberî û Penaberan a Federal
(Bundesamt für Migration und Flüchtlinge)

Hûn dikarin hemû zanyariyên din ên li ser serîlêdanên online li ser vê navnîşana înternetê bibînin:

[Navnîşana Internetî bo zanyariyên ser serîlêdanên online](#)

Ji kerema xwe bizanin jî ku karûbarên şewirmendiya koçberiyê û hem jî karûbarên koçberiya ciwanan hene. Ew ê di serîlêdanan de ji we re bibin alîkar, bersiva pirsan bidin û pirsgirêkên we çareser bikin û dikarin ji we re kurseke entegrasyonê ya guncan bibînin. Hûn dikarin li devera xwe li ku derê xizmetên şewirmendiya koçberiyê û karûbarên koçberiyê yê ciwanan hebin bibînin, an li Tomara Navendî ya Biyaniyan an li şaxê Nivîsgeha Federal li herêma xwe yan jî li ser înternetê bibînin li <https://bamf-navi.bamf.de/de/>.

Di belgeya zanyariyan de ji bo we zanyariyên herî girîng li ser beşdarbûna kursa entegrasyonê heye. Pêkhînerê kursê jî dikare bersiva pirsên we yê din jî bide.

Dema ku hûn beşdarî kursa entegrasyonê dibin hûn bi qanûnî li hember qezayan sîgorta nînin.

Beşdarbûna kursa entegrasyonê tu bandorekê li ser prosedûra we ya penaberiyê nake.

Em ji we re serkeftinê dixwazin ku beşdarî kursa entegrasyonê bibin!